



UNIVERSITÄTS-
BIBLIOTHEK
PADERBORN

Bibliotheca Rhetorum

In quo Causae Forenses, Liber Epistolarum, Liber Fabularum, Et
Oratiunculae

Le Jay, Gabriel François

Ingolstadij, 1726

Pavonis ad Junonem querelæ.

[urn:nbn:de:hbz:466:1-71049](https://nbn-resolving.org/urn:nbn:de:hbz:466:1-71049)

PAVONIS AD JUNONEM
 QUERELÆ.

CAntantem Philomelam, & nemorum recessus
 dulcibus personantem modis fortè Pavo
 audiit. Hinc volucris superbæ crevit livor
 & indignatio. Nulla mora est: tristes iterat ad
 Cælum sonos, & iratâ Junonem fatigat prece.
 Nam quid me juvat, inquit, Regina divûm atque
 hominum, tua quòd avis nuncupor; si me pater
 ris esse ludibrio obnoxiam, & justos dare turbe
 volantûm jocos? Quam mihi dedisti vocem tuâ
 naturæ displicet, aures & ipsas asperat. Interim
 exilis avicula tereti gutture auras implet suaviter,
 & mortalium pariter ac Divûm animos rapit in
 admirationem sui. Risit iniquas volucris querelas
 Jovis conjux & soror, & insolentem sic re-
 tudit superbiam. Non ergo satis est, quòd te
 pennarum nitor supra volantûm omne genus ex-
 tulit? quòd Iris pingitur in collo tuo plurima, &
 dum explicas caudam ac rotas, gemmarum splen-
 dorem vincis ac pretium? Quid restet reliquum
 avibus, unus si collecta teneas, quæ divisa faceret
 beatos valent? Nempe Aquilæ mares animos, le-
 vitatem Vulturis, Corvique mentem præficiam
 mox appetas; si libera detur quilibet optanda
 mora. Faceffe; vel si pergis ulterius queri, que
 te superbum faciunt, pennas auferam.

EPIMYTHION.

*Quod adest, vulgò nihil admodum afficit;
 quod abest, plerûmque excruciat bonam.*
 JUPL.